

العائدون من ليبيا بالفيوم: "منك لله يا سيسى ضيعتنا"



السبت 7 مارس 2015 12:03 م

تعتبر محافظة الفيوم واحدة من أكبر المحافظات المسافرين أبنائها إلى ليبيا، وبعد الأزمة الأخيرة وتوجيه الجيش المصرى ضربة جوية للأراضي الليبية، عاد المئات من أبناء المحافظة إلى بلدهم مرة أخرى ل يبحثوا عن عمل فى وطن ترتفع فيه نسب البطالة أمام مستقبل مجهول □

يقول سيد عبدالله كان يعمل جزاًا فى طرابلس: "أحلى أيام عشناها هناك وكنا شغالين زى الفل وبنكسب كويس وكان لينا محلات هناك بعد اللى حصل قفلنا محلاتنا ورجعنا وأهو احنا فى البلد هتشغلنا فين بقى يا سيسى".

وأضاف: "كل اللى شغالين هناك دول صنايعيه وجزارين واعمال حرة يعنى لما نرجع هنا مش هنلاقى مكان نشتغل فيه ملناش وظائف أصلا فى الحكومة".

وتابع عبد الفتاح أحمد أحد العائدين من ليبيا: "يعنى هو احنا كنا سايبين البلد وماشيين ليه وهو عشان مفيش حاجة ناكل منها عيش هنا ولما سافرنا ليبيا قلنا الحمد لله لقينا بلد نشتغل فيها ونكسب قرشين يساعدونا فى حيتنا وأهى كمان اتسدت فى وشنا بره وجوه منك لله يا سيسى انتا الى ضيعتنا هنوكل ولادنا مينين دلوقت".

حسين رجب كان يعمل نجاًا فى طرابلس: "الناس هناك كانت بتاعملنا كويس والدنيا كانت ماشيه تمام لكن هنعمل ايه بقى وحتى واحنا راجعين مكنش عارفين هنرجع ازاي وفضلنا نتصل على السفارة والأرقام اللى أعلنتها الخارجية محدش كان بيرد علينا لغاية ما أهل ليبيا نفسهم هما اللى وصلونا لغاية حدود تونس وكان الناس اللى بيقول عليهم السيسى ارهابيين هما الى بيحمونا لغاية ما طلعنا من ليبيا ولسه فى هناك ياما مصريين ومش هيرجعوا يعنى تكلم الواحد تقله أرجع بلدك يقولك هرجع أعمل ايه لو رجع بلده مش هيلاقى شغل خلاص بقى هى موته ولا أكثر المهم إنه يلاقى أكل عيشة".

وأكدوا أن هناك آلاف من أبناء المحافظة لا زالوا متواجدين هناك رغم الأحداث □